


TEZAU LITURGIC

5 IULIE

**SLUJBA
SF.CUVIOASE-MUCENIȚE
ELISABETA
TEODOROVNA
DE LA
MOSCOVA
III**



MOSCOVA, 2000



Мѣсяца Іулія въ 5-й день Служба святѣй преподобномученицѣ великой княгинѣ Елисаветѣ

ВЕЧЕРЬ,

На Господи возвахъ: стихиры на 6, гласъ 1.

Подобень: Небесныхъ чиновъ.

Преподобномученица Елисавета,* взѣмши крестъ свой на рамо свое,* бывши послушлива даже до смерти* за Возлюбльшаго, глаголаше:* никтоже мя разлучить* отъ любви Его!

Варвара преподобномученица,* вѣрна бывши начальницѣ своей въ жизни временнѣй,* пребысть вѣрна до конца* по слову подвигоположника Христа:* вѣрный въ малѣ* и въ велицѣ вѣренъ есть.

Отрасли отъ благаго корене:* князи страсотѣрпцы вподіаконъ Іоаннъ, Константинъ и Игорь* добръ страдаша за Христа.* Но аще настанетъ на ны, Господи, время и нашего испытанія,* да принесемъ и мы плодъ духовный,* и да вѣнчаемся.

Дне́сь **С**е́ргію преподо́бному
 пра́зднуемъ,* мо́щей ра́ди прене́сенія,* вели́кій
 же кня́зь **С**е́ргій страстоте́рпецъ* въ вѣ́чность
 пресе́ляется,* вкупѣ́ съ вѣ́рнымъ
Тео́доромъ.* **В**си да ублажа́ются отъ на́съ.

Сла́ва, гла́съ 6:

Овча́та істи́ннаго Па́стыря явля́еми
 страстоно́сцы, преподо́бномуче́ницы Елиса́вето
 и Варва́ро, кня́зи вели́цыи Іоа́нне, Константи́не,
 Игоре́ и **С**е́ргіе, страстоте́рпцы же **Т**ео́доре вкупѣ́
 съ Влади́міромъ, посре́дѣ диві́ихъ волко́въ
 невре́ждени пребы́сте и сконча́вше до́брѣ
 течене́іе и вѣ́ру соблю́дше па́стырена́чальнику
 Христу́, божество́ннии, во о́граду небе́сную
 всели́стеся.

И ны́нѣ, богоро́диченъ или кресто́богоро́диченъ.

**На стиховнѣ́ стихи́ры окто́иха. Сла́ва, гла́съ
 8. Подобе́нь: О,** пресла́внаго чуде́сѣ!

Муче́ницы Христо́вы прехва́льнии,* гони́телей
 стремле́нія,* и ну́жную сме́рть ни вочто́же
 вѣ́нчивше, и благоде́рзостно
 ополчи́вшеся* муже́мудренно кѣ́
 борене́и,* побѣдоно́сною сла́вою одѣ́ястеся,* и
 причто́стеся всѣ́мъ пра́веднымъ,* съ ни́миже
 ва́съ всегда́* хва́ляще, ублажа́емъ.

И ны́нѣ, богоро́диченъ или кресто́богоро́диченъ.

Тропа́рь, гласъ 4:

Кро́тость и смире́ніе и любо́вь всели́вши въ ду́шу свою́, усер́дно послужи́ла еси́ стражду́щимъ, страсоте́рпице свята́я княги́не Елиса́вето, та́же съ вѣ́рою претерпѣ́ла еси́ страда́нія и сме́рть за Христа́, съ му́ченицею Варва́рою. Съ не́ю же моли́ о всѣ́хъ съ любо́вію почита́ющихъ ва́съ.

НА УТРЕНИ, Кано́нъ, на 6, гласъ 8. Пѣ́снь 1.

Ирмо́съ: *Во́ду проше́дъ, я́ко су́шу, и егип́етскаго зла́ избѣ́жавъ, израи́льтянинъ вопія́ше: Изба́вителю и Бо́гу на́шему поимъ.*

Вѣ́ры бронёю огради́вшеся страсоте́рпцы непобѣ́диміи, вои́новъ Христо́выхъ осмери́ца всечестна́я кресто́мъ на враги́ воору́жишася.

Не на кня́зи и сы́ны чело́вѣческія упова́ніе своё возложи́вше, святі́и, но на еди́наго Бо́га, Тому́ вѣ́рно послужи́те въ преподо́бии и правдѣ́.

Сы́нове тмы́ беззако́ннии лиші́ша ва́съ жи́зни и ца́рства вре́меннаго, оба́че небѣ́сному Ца́рствію устреми́лися естѣ́, идѣ́же творі́тъ Госпо́дь сы́ны свѣ́та.

Вѣлія ва́ша страда́нія и бо́льша дарова́нія: Царя́ Небе́снаго моли́те отъ тли́ и бѣ́дъ изба́виться соверша́ющимъ па́мьять ва́шу вѣ́рно.

Богоро́дичень: **О**тъ дѣ́лъ спасе́нія нѣ́сть ми́, Влады́чице, грѣ́хи бо прила́гаю ко грѣ́хомъ, и къ зло́бѣ зло́бу: моли́твою у́бо Твое́ю, Чи́стая, уще́дри и спаси́ мя.

Пѣ́снь 3.

Ирмо́сь: *Небе́снаго кру́га Верхотво́рче, Го́споди, и Це́ркве Зижди́телю, Ты́ мене́ утверди́ въ любви́ Твое́й, желані́й кра́ю, вѣ́рныхъ утвержде́ніе, еди́не Чело́вѣколю́бче.*

Возлюби́ла еси́ богоизбра́нный наро́дъ, преподо́бномучени́це богоблаже́нная, я́коже Руо́е дре́вле, и глаго́лала еси́: Свята́я Ру́сь не поги́бнетъ! Иска́ла еси́ всѣ́мъ спасты́ся и въ ра́зумъ и́стины при́ти.

Жениха́ земна́го лиши́лася еси́, оба́че Небе́снаго обрѣ́ла, Егóже ради́ отрекла́ся еси́ отъ мі́ра сего́ и вся́ я́же въ нѣ́мъ, глаго́ля: нѣ́сть свя́тъ па́че Тебе́, Го́споди!

Любо́вь ко враго́мъ стяжа́ла е́сть Елиса́вета милосе́рдная, не то́кмо сло́вомъ, но дѣ́ломъ и и́стиною подóбящися Бо́гу, объ убива́ющихъ ю́ моля́шеся: прости́ имъ, не вѣ́дятъ бо что́ творя́тъ!

Клевета́ша на тя лука́вии челове́цы, не вѣ́дяще
я́ко клеветни́къ е́сть діа́волъ. Но я́ко смире́нная
подража́тельница Христа́, вся́ въ крото́сти
претерпѣ́ла еси́.

Богоро́диченъ: Су́дъ при двѣ́рехъ, суди́ще
гото́во, угото́вися, смире́нная ду́ше, и возопѣ́й:
внегда́ суди́ти Ти́, Сло́ве, не осуди́ мене́,
моли́твами Ро́ждшія Тя́.

Съда́ленъ, гла́съ 3:

Свѣ́тло пра́зднуемъ дне́сь па́мять
Алапа́евскихъ страстоте́рпцевъ, и́же
до́блественно пострада́ша, живопогребѣ́нни въ
ро́въ глубо́цъ, въ непреста́ннѣмъ славослове́ніи
Христа́, діа́волу преле́сть упраздни́ша и сме́рть
попра́ша, вопію́ще: Христо́съ воскресе́ изъ
ме́ртвыхъ!

Богоро́диченъ:

Свята́я Дѣ́во, Ма́ти Христо́ва, му́чениковъ
сла́во и а́нгеловъ ра́досте, съ ни́ми моли́ Сы́на
Твоего́, уще́дрити и спасти́ рабы́ Твоя́.

Или́ крестобогоро́диченъ.

Пѣ́снь 4.

Ирмо́съ: Услы́шахъ, Го́споди, смотре́нія
Твоего́ та́инство, разумѣ́хъ дѣ́ла Твоя́ и
просла́вихъ Твое́ Божество́.

Отцѣмъ твоимъ послушанія ревнительница сущи, стяжала еси матеръ непорочныя молитвы — глубочайшее смиреніе.

Марѣа убо служаше Іисусу, Марія же съдѣяше при ногѹ Егѡ. Ихже образъ была еси, преподобномученице, въ дѣяніи обрѣла еси видѣнія восходъ во обители твоѣй.

Имѹще сердца молитвою и слезами очищенныя, преподобныя жены Елисаветѡ съ другинею Варварою, во Свѣтъ Непрестѹпнѣмъ зрите Свѣтъ.

Ни сна дала еси очима твоима, ниже вѣждама дреманія, дондеже достигла еси любви благихъ, прісно учащи чада твоя: любите другъ друга!

Богородичень: **О**бъемъ грѣховныя плоды, умертвихся, и принося дѹшу неплодну, зовѹ Тѣ: плодоносну покажи, Яже Плодомъ Твоимъ тлѣніе потребившая.

Пѣснь 5.

Ирмосъ: *Просвѣти насъ повелѣніи Твоими, Господи, и мѹщицею Твоею высокою Твоѣй мѣръ подаждь намъ, Человѣколюбче.*

Алчущихъ питательницы, странныхъ утѣшительницы, неизлѣчимыхъ больныхъ посѣтительницы были естѣ, сего ради небесная наслѣдовасте.

Сострада́тельная Елиса́вета потща́ся овча́та заблудші́я взыска́ти, подража́ючи Па́стыря до́браго, Иже рече́: придо́хъ спасти́ погѣ́бшаго.

Кро́тость при́сную, смире́ніе вы́сокое, нелице́мѣрную лю́бовь, му́дрость же духо́вную стяжа́ла еси́, сего́ ра́ди тя ублажа́емъ.

Рыда́ніе и го́ре неутѣ́шное пости́же оби́тель ми́рную, егда́ тя чело́вѣцы звѣ́ронра́внии отъ сре́ды вѣ́рныхъ учени́ць твои́хъ отлуча́ху, ты́ же всѣ́хъ утѣ́шаше.

Богоро́диченъ: Наде́жду и утвержде́ніе, и спасе́нія стѣ́ну недви́жиму иму́ще Тя, Всепѣ́тая, неудобства́ всякаго́ избавля́емся.

Пѣ́снь 6.

Ирмо́съ: *Ри́зу мнѣ́ пода́ждь свѣ́тлу, одѣ́йся свѣ́томъ, я́ко ри́зою, Многоми́лостиве Христе́ Бо́же на́шъ.*

Язвы Го́спода Иису́са на тѣ́лесѣ́хъ ва́шихъ нося́ще, всю́ си́лу а́дову въ терпѣ́нніи покорі́сте.

Мученицы́ непобѣ́диміи, не отверго́стеся Поже́ршаго́ся за вы́, но Тому́ же́ртву непоро́чную себѣ́ принесо́сте.

На ка́мени заповѣ́дей бѣ́ основана́ хра́мина ду́шъ ва́шихъ, сего́ ра́ди неподви́жни пребы́сте, страстоте́рпцы осмочи́слени.

Иже на земли изгнани быша Христа ради, нынѣ небожителіе блаженніи радуются во вся вѣки.

Богородиченъ: Препѣтая Владычице, во святыхъ Почивающаго паче слова родила еси, сего ради Тя пѣсньми почитаемъ.

Кондакъ, гласъ 4:

Отъ славы царственныя, взѣмши крѣстъ Христовъ, прешла еси къ славіи небесній, молящися за враги, и обрѣла еси радость вѣчную, святая мученице княгиніе Елисавето, съ Варварою мученицею. Тѣмже молите о душахъ нашихъ.

Икосъ:

Жертвы Богу живопогребенныя въ кладезеподобный ровъ низринутыя: прежде всѣхъ Елисавета страсготѣрпица, къ горнимъ устремленная княгиня милосѣрдная, бисеръ православія въ новѣмъ отечествѣ обрѣтшая, евангельски убійцу мужа своего простившая, молитвою и благодѣланіемъ Богу угодившая, безбожными же безпощадно умученная, тѣмже вопіемъ ти: радуйся, сердцемъ въ Бозѣ утвержденная; радуйся, съ вѣрою и упованіемъ понесшая крѣстъ твой и Христу послѣдовавшая. Радуйся, избранная Богомъ на служеніе страждущимъ, невѣсто Христова; радуйся,

отда́вшихъ жи́знъ на служе́ніе бли́жнимъ покрови́тельнице. Ра́дуйся, за́повѣди Господни испол́нити возжелѣ́вшая; ра́дуйся, ре́вность по Бо́зѣ въ сердца́хъ на́шихъ воспаменя́ющая. Ра́дуйся, презрѣ́нныхъ и отвер́женныхъ не оставля́ющая; ра́дуйся мно́гія ду́ши отъ тмы́ грѣхóвныя и погѣ́бели спáсшая. Ра́дуйся, пріобщи́тися страсте́мъ Христо́вымъ удосто́ившаяся; ра́дуйся, въ исповѣ́дничествѣ́мъ подви́зѣ лю́ди россі́йскія утвержда́ющая. Ра́дуйся, же́ртво непоро́чная, благопрі́ятная, Бо́гу принесенная; ра́дуйся, со всѣ́ми святы́ми земли́ на́шей торже́ствующая. Ра́дуйся, преподо́бномучени́це Елиса́вето, моли́твенница о душа́хъ на́шихъ.

Пѣснь 7.

Ирмо́съ: *Отъ Іуде́и доше́дше, о́троцы, въ Вавило́нѣ иногда́, вѣро́у Тро́ическою пла́мень пе́щный попра́ша, пою́ще: о́тцевъ Бо́же, благослове́нъ еси́.*

Пожерты бы́ша святіи, я́коже а́гнцы, за прегрѣ́шенія наро́да ихъ, и безгласны ве́дошася на предше́жащій имъ подви́гъ, взира́юще на нача́льника вѣ́ры Іисуса.

Яко тріе о́троцы въ пе́щѣ, пѣ́снь побѣ́ды надъ сме́ртію воспѣ́ваху въ ша́хту вве́ржени,

мученицы святїи: Избавителю Боже, благословенъ еси.

Блажени есте, умирающіи о Господѣ, отнынѣ да почиете отъ трудовъ вашихъ, дѣла бо ваша вслѣдъ васъ да ходятъ, рече Духъ Святыи, повелѣвая и намъ вопіти: Боже, благословенъ еси.

Подобаеть вамъ почестъ отъ Господа, пострадавшимъ крѣпко, и обнажившимъ хитрости вражія, и поющимъ согласно: Избавителю Боже, благословенъ еси.

Богородиченъ: Подаждь намъ радость нечаянную, еже — радуйся — отъ ангела пріимшая, да гласомъ веліимъ возопіимъ: Избавителю Боже, благословенъ еси.

Пѣснь 8.

Ирмосъ: *Благословіте, отроцы, Троицы равночїсленни, Содѣтеля Отца Бога, пойте снишедшее Слово, и огнь въ росу претворшее и превозносите всѣмъ жизнь подавающаго Духа Всесвятаго во вѣки.*

Воины христолубивїи, изнесше святая тѣлеса ваша изъ земли, честию во гробы положиша, пѣснь надгробную поюще: священницы, воспойте, людіе, превозносите Господа во вѣки.

Возлюбивши Сіонъ, Божіе жилище, и возжелавши видѣти благая Іерусалима вся дни живота своего, святая Елисавета, погребеніе въ нёмъ пріять, идѣже священницы поють, людіе превозносятъ Христа во вѣки.

Земля положеніемъ священныхъ мученикъ мощей освятися: ибо источникъ источающъ исцѣленій всяческихъ сія Божественнаго стяжаваетъ, страсти тѣлесныя и душевныя непрестанно исцѣляючи превозносящимъ Христа во вѣки.

Троичень: Трѣпостасный Боже! Прими насъ, грѣшныхъ, болѣзненный гласъ воздыханія сердечнаго. Призри на страждущую страну нашу, да и въ той выну священницы поють, людіе же воспѣвають Тя во вся вѣки.

Богородичень: Просвѣти ми очи сердечныя, Яже дверь Свѣта чистая, облакъ страстей и тмѣ глубокую разгоняючи, да поють священницы, людіе же превозносятъ Тя во вся вѣки.

Пѣснь 9.

Ирмосъ: *Воистинну Богородицу, Тя исповѣдуемъ, спасеніи Тобою, Дѣво Чистая, съ безплотными лики Тя величающе.*

Вы, страстоносцы осмочисленіи, въ чаяніи осьмаго дне пребывали есте непоколеблеми до скончанія временнаго житія.

Ца́рственніи о́трасли достохва́льниі, па́че плотска́го благо́родіа духо́вное уллучи́ли есте́. Го́рняго Ца́рствіа возжелѣ́ли есте́, идѣ́же Христо́съ ца́рствуетъ.

Бо́гъ бо е́сть Бо́гъ живы́хъ, глаго́летъ Госпо́дь, посе́му не забу́дите ча́дъ ва́шихъ въ разсѣ́яніи су́щихъ и стра́ждущую страну́ Росси́йскую, да изба́вимся отъ лю́тыхъ враго́въ на́шихъ.

Предъ́ святы́ми мо́щами ва́шими въ земнѣ́мъ Іерусали́мѣ мо́лимся: прѣ́жде да́же до конца́ не поги́бнемъ, заступі́те на́съ и введі́те въ го́рній Іерусали́мъ.

Богоро́диченъ: **П**редъ́ Держа́вною Твое́ю ико́ною, Влады́чице, моля́хуся страсотѣ́рпцы: не оты́ми отъ на́съ покро́ва Твоего́!

Свѣ́тиленъ. Подо́бенъ: Не́бо звѣ́здами.

Прииді́те, мучениколю́бцевъ собо́ръ, здѣ́ совокупльшеся въ Геосима́нійстѣй ве́си, припаде́мъ къ честны́мъ мо́щемъ страсотѣ́рпицъ и въ моли́твѣ́ тёплой испро́симъ ниспосла́ти намъ ми́ръ и ве́лію ми́лость.

Богоро́диченъ:

Обо́лкся въ мя́, про́йде изъ Тебе́ Бо́гъ, нетлѣ́ніа облече́ мя оде́ждою, злы́мъ нра́вомъ обна́жшася божѣ́ственныа оде́жды, Богороди́тельнице Влады́чице, всѣ́хъ чело́вѣковъ прибѣ́жище,

мучениковъ вѣнценосныхъ утверждение и стѣна
и ангеловъ радование.

На стиховнѣ октоиха. Слава, гласъ 1:

Въ заточеніи злостраждуще, молитву дѣяете, и
въ шахту ввержени благодушествующе пояете,
яко Даниїлъ во рву львиномъ, тѣмже избавите
ны отъ рова страстей нашихъ, вѣрою и любовію
совершающихъ память вашу.

И нынѣ, богородиченъ или крестобогородиченъ.

НА ЛИТУРГІИ,

**Блаженна октоиха на 4, и отъ канона
святыхъ, пѣснь 3-я, на 4. Прокименъ,
гласъ 4: Свѣтымъ, иже сѹтъ на земли
Его,* удиви Господь вся хотѣнія Своя въ
нихъ. Стихъ: Предзрѣхъ Господа предо мною
выину, [яко одесную мене естъ, да не
подвижуся]. Апостолъ къ Римляномъ,
зачало 99. [Аллилуїа, гласъ 4: Воззваша
праведніи, и Господь услыша ихъ, и отъ всѣхъ
скорбей ихъ избави ихъ.] Стихъ: Мнози скорби
праведнымъ, [и отъ всѣхъ ихъ избавить я
Господь. Евангеліе отъ Іоанна,
зачало 52.] Причастенъ: Радуйтесь праведніи**

